

REFERAT TAA - Teknikkeqarnermut Avatangiisinullu Ataatsimiititaq d. 25-01-2024

Mødedato Torsdag d. 25. januar 2024 kl. 17:00

Mødested Kommunalbestyrelsep ataatsimiittarfiani

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Peqqinnissamut aamma utoqqarnut tunngasuni Tasiilami Ittoqqortoormiinilu nutaamik sanaartornis	6
Suliatigut aqutsinermik nakkutilliineq.....	9
Nuna allanngutsaaliugaq Nigerliup Qinngua allanngutsaaliukkatut atorunnaarsinneqarnissaa pillugi	12
Kommunimut pilersaarummut tapiliussassaq 1A18-3 C. E. Janssensvejimi inissiaqarfik, Nuuk inaa	16
Kommunimut pilersaarummut tapiliussap, 4B4-2, Inuussutissarsiuqarfik, mittarfiup avannamut ka	19
Pilersaarutit qinnuteqaatip Nuussuarmi inissiat uiguleriaat inaarutaasumik akuersissutigineqarneri	22
Suliap pilersaarusiorneqarnissaanut qinnuteqaatip Villat – Niels Hammekenip Aqqutaa inaarutaasu	26
Kommunimut pilersaarummut tapiliussassatut 3C9-1, Inuussutissarsiuqarfik mittarfiup qanittuani	31
Sermersuumi angallannermut politikkimut siunnersuut.....	35
Upalungaarsimanermut Ataatsimiititaliarsuup suleriaasiata akuerineqarnera.....	39
Tamalaat.....	42
Imaqarniliap akuerineqarnera.....	43

Punkt .: Saqqaa

Ilaasortat:

Justus Hansen (D) *siulittaasoq*

Uju Petersen (IA)

Naya Pedersen Lyberth (IA)

Peter Davidsen (S)

Storm Ludvigsen

Beslutning

Ataatsimeeqataasut tamarmik najuupput.

Punkt .: Oqaluuserisassat akuersissutigineqarneri

Beslutning

Oqaluuserisassat akuersissutigineqarput, imatut allannguutitalerlugit: Immikkoortoq 7 peerneqarpoq allaffissornikkut kukkuneqarnera peqqutigalugu, kingusinnerusukkullu suliarineqarumaarpoq.

Peter Davidsen nal. 14:12 ataatsimiinnermut takkuppoq.

Storm Ludvigsen nal. 14:14 ataatsimiinnermut takkuppoq.

Punkt .: Nalunaarutit

Beslutning

KAK-mik ataatsimeeqateqarneq

Ataatsimiititami siulittaasumit Kalaallit Arsaattartut Kattuffiat ataatsimeeqatigineqarpoq, taakkua noqqaassuteqarnerisa kingornagut. Ataatsimiinneq KAK-p 2024-mi CONCACAF-imut (Confederation of North, Central America and Caribbean Association Football) ilaasortanngorniarluni qinnuteqarnissaanik pilersaarutaanut tunngavoq. CONCACAF-imut ilaasortaanissamut piomasqaatit ilagaat, Kalaallit Nunaanni arsaattarfimmik isiginnaartarfilimmik peqarnissaa imaluunniit peqalernissaa. Ajoraluartumik pisortanit isumaqartoqarsimavoq aatsaat qulisamik arsaattarfeqalernikkut piviusunngorsinnaasoq, tamannalu akisoorujussuussasoq. Taamaattumik KAK-mit takutikkusunneqarpoq, qulisamik arsaattarfeqarnissaq piomasqaataanngitsoq taamaasilluni arsaattarfimmik suliniuteqarneq piviusunngorsinnaasoq Inussiviup eqqaani arsaattarfimmi pioreersumi taamaasillunilu pisortanut akisoorujussuusariaqanngitsoq. Ataatsimiititami siulittaasup nalunaarutigaa pilersaarutit pissanganartuusut aamma KAK arsaattarfiliornissamut pilersaarutaaratarsinnaasumut atatillugu aalajangersimasunik kissaateqaruni naatsorsuuteqarunilu kommunimut saaffiginninnissaminut tikilluaqqusaasoq, taamaasilluni kommune / kommunalbestyrelse aalajangersimasunik tunngavissaqarniassamat.

Atuarfik Inussuk

Atuarfimmik sanaartorneq kinguaattoorsinnaavoq. Pisortatigoortumik illu kingusinnerpaamik 1. marsi tunniunneqartussaavoq kisiannili massakut entreprenøri ullormi tassani naammassinninnissamut angumersinnaanersoq nalornissutigineqarpoq. Ingerlatsivimmit ulloq tunniussiffissaasinnaasoq alla kiisalu kinguartitsinerup kingunerisinnaasai pillugit entreprenøri oqaloqatigineqarpoq. Ingerlatsivimmiilli suli Atuarfik Inussuk atualernerup aallartinnissaanut piareereersimanissaa naatsorsuutigineqarpoq.

GNC-mik Permagreenimillu ataatsimeeqateqarneq

Ataatsimiititami siulittaasoq ingerlatsivimmit peqateqarluni GNC-imik Permagreenimillu pisortatigoortuunngitsumik ataatsimeeqateqarpoq. Ataatsimiinnermi namminneq oqaatigisaattut ukiuni tulliuuttuni pisortanit suliassat amerlanngimmata, tamannalu suliffiit ikilinerinik kinguneqarsinnaammat jordentreprenørinut suliffeqarfiit ernumanartutut oqaatigineqarpoq. Taamaattumik taakkua neriuutigaat pisortat, taakkununga kommune ilanngullugu, taamatut suliaqartuni ukioq manna aallartereertumik suliassanik sapinngisamik amerlasuunik aallartitsissasut.

Immikkut sammisaqarneq/Inuussutissarsiutillit nunaminertamik pisariaqartitsinerat atuinerallu pillugu isumasioqatigiinneq.

Peter Davidsenimit siunnersuutigineqartoq ataatsimiititap ataatsimiinnerani kingullermi suliarineqartoq naapertorlugu ingerlatsivimmit immikkut sammisaqarnissaq pilersaarutigineqarpoq, tassani peqataassallutik Ataatsimiititap, Ingerlatsivik Inuussutissarsiuteqartullu, sammineqassallutik inuussutissarsiutillit nunaminertanik pisariaqartitsinerat atuinerallu. Immikkut sammisaqarnissamut ulloq periarfissaq tassaasinnaavoq 21. februaari.

Ataatsimiititami immikkut sammisaqarneq

Ullormi 9. aprili ataatsimiititap ataatsimiinnissaanut atatillugu, ingerlatsivik Ataatsimiititamik ullup affaa immikkut sammisaqarusuppoq. Ullup affaani sammineqartussaaq tassaassaaq Kommunimut pilersaarummik kiisalu nunaminertamut pilersaarutini unammillernartut akunnattoorfiusullu. Ullup affaani immikkut sammisaqarnermi siunertat ilagissavaat Ataatsimiititap ingerlatsiviullu ukiup ingerlanerani sammisamut assingusunik immikkut sammisaqarnissamut pitsaanerpaamik piareersarnissaq.

Punkt 1: Peqqinnissamut aamma utoqqarnut tunngasuni Tasiilami Ittoqqortoormiinilu nutaamik sanaartornissaq pillugu politikkikkut tunngaviusumik aalajangiineq

Beslutning

Ilisimatitsissut tusaatissatut tiguneqarpoq.

Bilag

Politikkikkut tunngaviusumik aalajangiineq 30. novembari 2023-meersoq

Peqqinnissamut aamma utoqqarnut tunngasuni Tasiilami Ittoqqortoormiinilu nutaamik sanaartornissaq pillugu politikikkut tunngaviusumik aalajangiineq

Ilisimatitsissut

SagsID.: EMN-2023-02076

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Suliffeqarnermut Isumaginninnermullu Ingerlatsivimmit aamma Sanaartornermut Avatangiisinullu Ingerlatsivimmit Suliffeqarnermut Isumaginninnermullu Ataatsimiititamut aamma Illoqarfimmik Ineriartortitsinermit Sanaartornermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Peqqinnissamut aamma utoqqarnut tunngasuni Tasiilami aamma Ittoqqortoormiini nutaamik sanaartornissaq pillugu suleqatigiinnissamut tunngaviusumik aalajangiineq borgmesterimit Avaaraq Olsenimit aamma Peqqissutsimut Naalakkersuisumit Agathe Fontainimit ulloq 30. novembari 2023-mi atsiorneqarpoq (ilanngussaq 1).

Tasiilami nutaamik utoqqaat illuliortoqarnissaanut kiisalu Ittoqqortoormiini utoqqaat najugaqatigiiffiata allilerneqarnissaanut / nutaamik sanaartortoqarnissaanut kommunip pilersaarutaanut atatillugu tunngaviusumik aalajangiineq akuersissutigineqarpoq. Tunngaviusumik aalajangiineq ima kinguneqassaaq:

- Tasiilami utoqqaat illuat aamma Ittoqqortoormiini utoqqaat najugaqatigiiffiat sapinngisamik peqqinnissaqarfiup atortoreriigaanut uiggiullugit inissinneqassapput
- Siunissami suleqatigiilernissamut pitsaanerpaanik najoqqutassaqaarnissamut sanaartortoqarnissaa anguniarlugu misissueqqaarnermi Kommuneqarfik Sermersuumiit Peqqinnissaqarfimmiillu suleqatigiissutigineqassaaq

Utoqqarnut tunngasut peqqinnissaqarfiullu atortuisa kattutsinneqarnerisigut innuttaasunik kiffartuussinerup pitsanngorsarneqarnissaa siunertaralugu utoqqarnik paaqqutarinnittut peqqinnissaqarfimmilu sulisut suleqatigiinnerat qaninnerulersinneqassaaq, peqqinnissaqarfimmut tunngatillugu suleqatigiinnissamut isumaqatigiissut innersuussutigalugu.

Ingerlatsivimmit aningaasatigut sulisoqarnikkullu naliliinerit

Kommunimit sanaartortitsineq kiisalu pilersaarummut tapiliussat pillugit aningaasaqarnikkut sukumiisumik aalajangiinerit missiliuinerit C-t immikkut akuersissuteqaarnissamut siunnersuutit pigineqaleriarpata politikikkut akuersissutigineqaqqaassapput. Tasiilami utoqqaat illuanik Ittoqqortoormiinilu utoqqarnut najugaqatigiiffimmik nutaanik misissueqqaarnermut pilersitsinissamullu 2024-mut missingersuutinut aningaasanik immikkoortitsisoqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Peqqissutsimut tunngasuni suleqatigiinnissamut isumaqatigiissut Peqqissutsimut Naalackersuisoqarfik / Kommuneqarfik Sermersooq

Ilanngussat

1. Politikkikkut tunngaviusumik aalajangiineq 30. novembari 2023-meersoq

Punkt 2: Suliatigut aqutsinermik nakkutillineq

Beslutning

Ilisimatitsissut tusaatissatut tiguneqarpoq.

Bilag

Suliatigut aqutsinermik nakkutillineq

Suliatigut aqutsinermik nakkutilliineq

Ilinniarneq, misilittakkat naliliinerlu

Ilisimatitsissut

SagsID.: EMN-2023-03351

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik ineriartortitsinermut sanaartornermullu Ataatsimiititamut aamma Inoqarfinnut Avatangiisinullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunit aqunneqarnerat pillugu inatsimmi (Inatsisartut inatsisaanni) Kommunalbestyrelse kommunimi qullersatut oqartussaasutut akisussaasuusoq. Tassani kommunip ingerlatsiviini sulianik suliarinninnermi nakkutilliinissamat Kommunalbestyrelse pisussaaffeqarpoq. Sanarfinermut Avatangiisinullu Ingerlatsivimmi aqutsisut matumani arlaannulluunniit attuumassuteqanngitsumik nakkutilliinissamat suliniuteqarlutillu ingerlatsipput.

Ulloq 21. August advokati Kasper Skare Advokatfirmaet Kirk Larsen & Ascanius Greenlandimeersoq ingerlatsivimmi aqutsisunik nakkutilliinerminik nassuiaavoq. Sanaartornermi suliat 15-it nalaatsortumik toqqakkat nakkutilliiffigineqarput nakkutilliinerlu piffissami 24. juli - 9. augustimi ingerlanneqarpoq. Nakkutilliineq inatsisilerinermi nakkutilliinertut aqqqissuunneqarpoq taamaattorli aamma sullissinermi sunniuteqarluarnermik malinnaaviginninnermik imaqqarpoq. Nakkutilliinermut aallaavigineqarpoq ingerlatsivimmi pitsaasumik ileqqoqarnermut malittarisassat taassuma ataani ingerlatsinermi inatsimmi malittarisassat, pisortat ingerlatsinerat pillugu inatsit aamma inatsisitigut aalajangigaanngitsumik inatsisilerinermi najoqqutassat. Matumani suliassamik saqqummiussami paasisat pingaarnerit saqqummiunneqarput kiisalu nakkutilliinermi paasisat najoqqutaralugit sullissinerup pitsaanerulernissaanut iliuserisinnaasat.

Sanaartornermut suliani 15-iusunni sullissinermut tunngasuni kukkunerit 14-it nassaarineqarput. Katillugit sullissinermi amigaatit pingaaruteqanngitsut 14-it pingaarutillillu 9-t nassaarineqarput. Pingaarnertut nassaarineqartut tassaapput:

- Allattuisussaataaernerminik takunninnginneq/suliaqannginneq
- Naammagittaalliornissamat ilitsersuut amigaataasoq imaluunniit kukkusooq.
- Akuersissutit piomasaaqatitallit nalunaarutigineranni ingerlatsiviup nakkutilliisinnaaneranut paasissutissat amigartut. Taamatuttaaq piomasaaqatinik unioqqutitsinermi ingerlatsivimmit kinguneqartitsinissamat periarfissanik paasissutissat
- Aalajangiinerit mailikkut aalajangiunneqartut atsiornertaqanngitsut
- Illuatungerisamik tusarniaanerit amigaatigineqartut
- Sullissineq imaluunniit akissuteqarnissaq sivisooq
- Aalajangiinermi tunngavilersuut amigaataasoq imaluunniit amigartooq
- Immikkut akuersissuteqarnerminik nalunaarneq eqqaamiunik tusaarniaanertaqanngitsumik imaluunniit eqqaamiunik tusarniaannginnissamat tunngavissaqanngitsumik
- Kuuffissuarmut atassusiliinissamat akuersinerup nalunaarutigineqarsimanera takuneqarsinnaanngilaq
- Mailikkut inunniit paasissutissanik mianerisassanik imalimmik nassiussineq

Suliatigut aqutsinermik nakkutilliineq aallaavigalugu ingerlatsivimmi pisortaqtigiinnit sullissinerup pitsanngorsarnissaanut suliniutinik aallartitsinissaq aalajangiunneqarpoq. Taamaattumik ingerlatsivimmi pisortaqtigiit pingaartumik suliniutigineqartariaqartunik pingaarnertut suliniutigineqartussanik marlunnik toqqaapput, tassaasut:

- Skabelonit immersugassallu
- Ilinniartitsineq

Sullisinnermut atatillugu skabelonit immersugassallu nutarterneqarnissaat pitsanngorsarnissaallu pisariaqarpoq, taakkua ataanni pingaartumik aalajangiinnermut atatillugu skabelonit immersugassallu atorneqartartut. Skabelonit immersugassallu siunissami ullutsinnut naleqqunnerussapput paasissutissanillu tunngaviusunik imaqarnissaat ingerlaavartumik qulakkeerneqartassallutik. Taakkua saniatigut ingerlatsivimmit sulisut piginnaanngorsarnissaannut ilinniartitsinissamut ingerlaavartumik suliniuteqartoqarpoq. Ingerlatsivimmit 2024-mi kvartaalimi siullermi ingerlatsivimmi sulisunut pitsaasumik ilinniartitsinissaq naatsorsuutigineqarpoq. Ilinniartitsineq ingerlatsiviup sullissinera aamma suliatigut aqutsinermi nakkutilliinermi paasisat aallaavigalugit ingerlanneqassaaq taamaasilluni kukkunerit qulaani allassimasut uteqqinneqannginniassammata. Ilinniartitsineq naatsorsuutigineqarpoq ukiumut ataasiartumik ingerlanneqartassasoq taamaasiornikkut ingerlaavartumik nutarterinissaq eqqaasitsisarnissarlu qulakkeerneqartassammat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. Suliatigut aqutsinermik nakkutilliineq

Punkt 3: Nuna allanngutsaaliugaq Nigerliup Qinngua allanngutsaaliukkatut atorunnaarsinneqarnissaa pillugu killiffik

Beslutning

Ilisimatitsissut tusaatissatut tiguneqarpoq.

Bilag

Paamiut aamma Nigerliup Qinngua pillugu nunap assinga

Nigerliup Qinngua pillugu nunap assinga

Nuna allanngutsaaliugaq Nigerliup Qinngua allanngutsaaliukkatut atorunnaarsinneqarnissaa pillugu killiffik

Ilisimatitsissut

SagsID.: EMN-2023-03195

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunalbestyrelsip 2021-mi oktobarip ulluisa tallimaanni ataatsimiinnermini Nigerliup Qinngua (Paamiut eqqaani) allanngutsaaliugaanera atorunnaarsinneqassanersoq pillugu Sanarfinermut Avatangiisinullu Ingerlatsivimmit misissorneqassasoq aalajangerpaa. Maannakut pilersaarutit tunngavisoq naapertorlugu (Kommunimut pilersaarut 2032) Nigerliup Qinngua immikkoortoq O-tut inissisimavoq. Ingerlatsivimmit sumiiffik allanngutsaaliugaanngitsoq, taamaattorli sanaartorfiusaangaanngitsut aalajangersagaasoq erseqqissaatigineqarpoq. Immikkoortoq O-p sanaartorfingitsunera imaluunniit atortulersuutiniq sanaartorfineqarsimannginnera ilisarnaatigisarpaa. Immikkoortoq O-ni sunngiffimmi illuaraliortoqarsinnaananilu aasarsiortarfiliortoqarsinnaanngilaq, naak illuaqqat piniariartarfiit illuaqqallu oqqittarfiit immikkut akuerineqarlutik sananeqarsinnaapput, tassa qassiuneri ima amerlatiginngippata immikkoortortap, immikkoortutut sanaartorfineqanngitsutut, pingaarnertut atorneqarneranik allannguillutik.

Sumiiffimmi sunngiffimmi illuaraliortoqassappat aasarsiortarfiliortoqassappalluunniit Nigerliup Qinnguata atugassiissutigineqarnera immikkoortoq K-mut allanngortinneqartariaqarpoq. Sumiiffimmi pinngortitami pissutsit immikkuullarissut paasiniarniarlugit ingerlatsivimmit siunnersorneqarnissaq siunertaralugu Pinngortitaleriffik attavigineqarpoq. Tamanna pillugu ingerlatsivimmit Nigerliup Qinguani illuaraliorsinnaanermut tunngatillugu pinngortitami pissutsit atuuttut saqqummiunneqarput.

Pinngortitaleriffimmik oqaloqateqarneq tunngatillugu ingerlatsivimmit Nigerliup Qinngua tutunut pingaaruteqartuusoq paasineqarpoq. Naak qutsinnerusuni piaqqiornerusaralualutik, piaqqiornerup kingorna tutut ammukartarput aasaanerani sumiiffik uninngaarfisarlugu. Siunissami sumiiffiup atorneqarnissaanut kommune aalajangiitinnagu tuttoqassuseq annertunerusumik misissorneqartariaqartoq Pinngortitaleriffiup nalilerpaa.

Nigerliup Qinguani tuttoqassuseq assigiinngitsutigut Pinngortitaleriffimmit misissuisoqarsinnaavoq. Nalinginnaasumik qungasequtit GPS-itallit atorlugit misissuisoqartarpoq, aamma saniatigut qulimiguulimmit nakkutilliineq kisitsinerlu ilanngullugit. GPS-imik qungasequtit tutut uninngaartarfiinik angalaartarfiinillu annertuumik paasissutissiisinnaasarput, ataaserlu 25.000-30.000 koruunit miss. akeqartarluni. Suliap ingerlatseqqinnissaanut atatillugu ingerlatsivimmit taamatut periuseqarnissaq aningaasaqarnikkut naleqqutissanngitsoq nalilerneqarpoq. Periarfissaq alla tassaavoq filmiliuutiniq ikkussuineq, tamannali Pinngortitaleriffimmit akitigut nalileruminaatsinneqarpoq. Qularnanngitsumillu Pinngortitaleriffimmit teknikkikkut, aningaasatigut sulisoqarnikkullu piumasaqaateqartariaqarpoq, saniatigullu najukkamit sulisoqarnissaq pisariaqassaaq, tassunga ilanngullugu sulinermik sungiusaasoqartariaqarluni.

Pinngortitaleriffimmit aningaasatigut sulisoqarnikkullu sipaaruteqarfiusinnaasumik siunnersuuteqarputtaaq, tassa Kommuneqarfik Sermersuumit aningaasaleeqataaffiusinnaasoq. Pinngortitaleriffimmit tulliani tuttoqassutsimik misissuisoqalerpat, 2025 - 26-mut pilersaarutaasut - pingaarnertullu Naalakkersuisoqarfimmit aningaasaliiffigineqartumut (aningaasat suli akuersissutigineqanngillat), Pinngortitaleriffimmit Nigerliup Qinnuata avannaatungaa sumiiffik annertoq misissuiffigineqassaaq. Nigerliup Qinnuani tuttut pillugit paasisaqarnerunissaq pillugu kommunimit immikkut aningaasaliisoqarsinnaavoq, taamaalilluni Pinngortitaleriffimmi misissuinermit suliaqarneq tapiiffigineqarluni, taamalu Nigerliup Qinnuata eqqaa immikkoortoq ilaatinneqassalluni. Maannakkut aningaasaliissutit annertussusaat missiliorluarneqarsinnaanngillat, Pinngortitaleriffimiilli aningaasaleeqataaneq 500.000 koruunit sinnerunnaangikkaat naatsorsuutigineqarpoq.

Pinngortitaleriffimmit qasigissat, eqqissisimatitaalluinnartut kiisalu Kalaallit Nunaanni nungutaaratarsinnaasunut allattuiffimmi nalunaarsugaasut, kangerlummiittartut ilanngullugu oqaatigineqarpoq. Sumiiffimmi piniartarneq angalaartarnerlu annertusissappat uumasooqassusermut iluaqutaassanngilaq. Kangerlummi qasigiaqartarnera pillugu sumiiffimmi piniartartunut paasititsiniaaneq ilaatigut ajornartorsiummut iluaqutaasinnaassaaq. Taamaattorli puisimut tunngasut kangerlummiittarnerannullu tunngatillugu annertunerusumik ersarissarnerunissaanut tunngatillugu Pinngortitaleriffik ilisimasassanik annertunerusunik amigaateqarpoq.

Ataatsimut isigalugu tuttoqassuseq kiisalu qasigissat sumiiffimmiittarnerannut tunngatillugu annertunerusumik misissuisoqartariaqartoq ingerlatsivimmit nalilerneqarpoq, tassa pissutsit marluk tulliuuttut qulaajarneqarnissaanut:

- Nigerliup Qinnuani piniartunut illuaqqanik aammalu illuaqqat oqqittarfiit immikkut ittumik akuersissuteqarluni sanaartorneqarsinnaanersut, sumiiffiup O-tut immikkoortut maanna atugassiissutigineqarnera innersuussutigalugu
- Nigerliup Qinnua maanna O-tut immikkoortut atugassiissutigineqarnera allanngortinneqarsinnaanersooq. K-tut immikkoortut allannguuteqartitsinikkut ilaatigut sunngiffimmi illuaqqanik aasarsiortarfinnillu sanaartortoqarsinnaassaaq

Sumiiffiup annertunerusumik misissorneqartariaqarnera kiisalu uumasunut pissutsit immikkuullarissut pillugit sumiiffiup atugassiissutigineqarnerata allanngortinneqarnissaa kiisalu piffissami qaninnerusumi illuaraliortoqarunnaangitsoq ingerlatsivimmit nalilerneqarpoq. Siuliini taaneqartut Pinngortitaleriffimmit 2025/26-mi tuttoqassutsimik misissuinermit aningaasaleeqataasoqarsinnaassaaq.

Ingerlatsivimmi ammaffigineqarpoq Paamiuni nunap timaani sumiiffinni allani illuaraliofissatut immikkoortut allat atugassiissutigineqarsinnaanerat. Maannakkut Paamiut eqqaanni immikkoortoq 'Nerutusoq Avannarleq' kisimi illuaraqarfiuvoq. Taamaattumik kommunimut pilersaarutip nutaap atuutilersinnissaanut suliaqarnerup ilaatut ingerlatsivimmit Paamiunik innuttaasunik peqataatitsiniarnermik aallartitsisoqarsinnaavoq, tassani Paamiuni innuttaasut illuaraqarfiorfissatut kissaatitik saqqummiunnaannut periarfissaqassapput. Una suliaq 2024-p ingerlanerani aallartinneqarnissaa naatsorsuutigineqarpoq.

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Kommunitut pilersaarut 2032
- Pilersarusiorneq aamma nunaminertat atornerartarnerat pillugit Inatsisartut inatsisissaat nr. 17, 17. november 2010-meersoq

Ilannussat

1. Paamiut aamma Nigerliup Qinngua pillugu nunap assinga
2. Nigerliup Qinngua pillugu nunap assinga

Punkt 4: Kommunimut pilersaarummut tapiliussassaq 1A18-3 C. E. Janssensvejimi inissiaqarfik, Nuuk inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 1A18-3, C. E. Janssensvejimi Inissiaqarfik



KOMMUNIMUT PILERSAARUMMUT TAPILIUSSAQ



SIUNNERSUUTIP TUSARNIUTIGINEQARNERA

1. IISA
2. AIA

AKUERSISSUTIGINNINNEQ

1. IISA
2. AIA
3. KB



Kommunimut pilersaarummut tapiliussassaq 1A18-3 C. E. Janssensvejimi inissiaqarfik, Nuuk inaarutaasumik akuersissutigineqarnera

Aalajangiiffigisassaq

SagsID.: EMN-2023-02688

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- Kommunimut pilersaarummut tapiliussassaq 1A18-3 C. E. Janssensvejimi inissiaqarfik, Nuuk inaarutaasumik akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Kommunimut pilersaarummut tapiliussassaq 1A18-3 C. E. Janssensvejimi inissiaqarfik, Sanarfinermut Avatangiisinullu Ingerlatsivimmit matumuuna saqqummiunneqarpoq. Kommunimut pilersaarummut tapiliussaq 1A18-3 C. E. Janssensvejimi inissiaqarfik siunnersuutitaa sapaatip-akunnerini arfinilinni tamanut tusarniaassutigineqarpoq, piffissami 4. oktobarimiit 15. novembarimut 2023. Piffissami tusarniaanermut akissutit tallimat tiguneqarput. Tusarniaanermut piffissaliussaq qaangiutereersoq tusarniaanermut akissut ataaseq tiguneqarpoq, suliarinninnermili ilanngunneqarpoq. Taanna allannguuteqartitsinermik kinguneqarpoq, sanaartoriaatsinik, qalipaanermut tunngasunik, illut silataanut atortussianik assigisaanillu misileraanissamat illuaqqamik misileraavimmik sanaartorfissamik minnerusumik ilanngussinermik.

Pilersaaruteqarfik 1A18 2,6 hektarit missaani annertutigaaq, Nuummi illoqarfiup qiterpasissuani Myggedalenip/Qaqortup aamma Qernertunnguit akornanni inissisimasoq. Kommunimut pilersaarummut tapiliussami immikkoortup nunataa killeqarfilersorneqarnera aamma pingaarnertut atuuffia inissianut siunertanut kiisalu immikkuualuttut marluk allanngortinneqanngillat. Kujataatungaa immikkuualuttoq A pioreersunik inissiartalik. Avannaatungaani immikkuualuttoq B-mi imminut attanneqarsinnaasunik misiligutinik inissialiortoqarsinnaavoq.

Misileraalluni sanaartorneq ima paasineqassaaq:

- Nutaanik imaluunniit allaanerusunik sanaartoriaaseqarnek, sanaartukkanik ilusileeriaaseqarnek aamma ingerlatsinermi asarfallatsaaliinermilu periuseqarnek, tassunga ilanngullugit kaajallaasitanik aamma najugaqariaatsinut nutaanut aaqqiissutissat
- Misileraalluni sanaartorneq avatangiisinut, inuuniarnikkut aamma/imaluunniit aningaasaqarnermut tunngasunik ilisimasatigut iluaqutaassaaq
- Tamatuminnga ilisimasaqalernek takussutissarsineqarsinnaassaaq suliffeqarfimmiillu attuumassuteqanngitsumiit uuttortarneqarsinnaassalluni



- Misileraalluni sanaartorneq atoqqinneqarsinnaasuussaaq Kalaallit Nunaannullu tulluarsarlugu siammarneqarsinnaasuussalluni
- Inertera tamanut takuneqarsinnaasuussaaq, inuiaqatigiinnut iluaqutigineqarsinnaaqqullugu

Qaqortumi nutaamik sanaartornermi pingaartumik eriaqisariallit sanaartukkallu pioreersut eqqumaffigineqassapput. Taamaattumik isikkuisa ilaannut naleqqussagaassalluni.

Kommunimut pilersaarummut tapiliussassaq 1A18-3 C. E. Janssensvejimi inissiaqarfik una akuersissutigineqarneratigut Kommunimut pilersaarummut tapiliussassaq 1A16-1 / 1A18-2 Nuummi Imeqarfiup nalaa Tele-Illu nalaa atorunnaassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3-it pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- o Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- o Inatsisartut inatsisissaat nr. 34, 9. december 2015-imeersoq
- o Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 1A18-3, C. E. Janssensvejimi Inissiaqarfik

Punkt 5: Kommunitut pilersaarummut tapiliussap, 4B4-2, Inuussutissarsiteqarfik, mittarfiup avannamut kangiatungaaniittoq, Nuuk, inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliussaq 4B4-2 Inuussutissarsiteqarfik mittarfiup avannamut kangiatungaaniittoq, Nuuk



KOMMUNIMUT PILERSAARUMMUT TAPILIUSSAQ



SIUNNERSUUTIP TUSARNIUTIGINEQARNERA

1. IISA
2. AIA

AKUERSISSUTIGINNINNEQ

1. IISA
2. AIA
3. KB



Kommunimut pilersaarummut tapiliusseq 4B4-2 Inuussutissarsiuteqarfik mittarfiup avannamut kangiatungaaniittoq, Nuuk-mik inaarutaasumik akuersissuteqarneq

Aalajangiiffigisassaq

SagsID: EMN-2022-07334

Sanarfinermut Avatangiisinullu Ingerlatsivik, pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut Sanaartormullu Ataatsimiititamut inassuteqaatigineqarpoq:

- Kommunimut pilersaarummut tapiliusseq 4B4-2, Inuussutissarsiuteqarfik, mittarfiup avannamut kangiatungaaniittoq, Nuuk akuerineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 4B4-2 Inuussutissarsiuteqarfik, mittarfiup avannamut kangiatungaaniittoq, Nuuk, matumuuna saqqummiunneqarpoq. Kommunimut pilersaarummut tapiliusseq 4B4-2, Inuussutissarsiuteqarfik, mittarfiup avannamut kangiatungaaniittoq, Nuuk siunnersuutitut sapaatip-akunnerini arfineq-pingasuni, piffissami 30. aggustimiit – 25. oktobari 2023-mut tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit marluk tiguneqarput, taannalu oqaaseqatigiinnik tallimanik allannguuteqartitsinermik kinguneqarpoq. Ujakkaartarfinnut aamma pisuttuarterfinnut aqqutinut minnerpaamik silissuseqarnissaannut aalajangiisoqarpoq. Tamatuma saniatigut sanaartorfissat killeqarfiisa akunneri 45 gradiutinneqarnissaannut immikkut akuersissutit mittarfiup atorneqarnissaanut akuersissummik pigisalimmit akuerineqartassapput. Paragrafit allat sukannererusumik oqaasertalerneqarput, imarisaali allanngortinneqaratik.

Immikkoortup ilaa 4B4-mi killiliusseq allanngortissaaq, tamannalu immikkuualuttunut 3E5-mut, 4E2-mut aamma 4D9-mut sunniuteqassaaq. Immikkuualuttoq 16 ha. miss. annertussuseqalissaaq. 4B4-mi nunami Nuup Kangerluata tungaanut avammut sammisumi sivinganeq, kujammullu Quassussuup saqqaata tungaa ilaapput. Immikkoortup ilaa aqqusaarlugu aqqusiniliortoqarnikuvoq, kisiannili 4B4 sanaartorfiunngilaq.

Immikkoortup ilaata atorneqarnera inuussutissarsiutinut kiisalu peqatigiiffinnut siunertanut aalajangersarneqassaaq, taakkununga nunaminertat maannakkut piumaneqartorujussuupput. Sukisaarsarluni aqquteeqqat, immikkuualuttumiittut, immikkoortumi aqqutiliornikkut qulakkeerneqassapput.

Ingerlatsivimmit malugeqquneqarpoq, sanaartorfissiat aatsaat mittarfiliornep naammassineqareerneratigut atorneqanngitsutut saqqummiunneqassammata, immikkoortumi sanaartornerup mittarfiliorneq kinguartissanngimmagu.

Kommunimut pilersaarummut tapiliusseq 4B4-2-p akuersissutigineratigut kommunimut pilersaarut 4B4-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatitalit

- Pilersaarusiorneq aamma nunaminertat atorneqartarnerat pillugit Inatsisartut inatsisissat nr. 17, 17. november 2010-imeersoq
- Inatsisartut inatsisat nr. 34, 9. december 2015-imeersoq
- [Kommunimut pilersaarut digitaliusoq www.kp.sermersooq.gl](http://www.kp.sermersooq.gl)

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliusseq 4B4-2 Inuussutissarsiuqarfik mittarfiup avannamut kangiatungaaniittoq, Nuuk

Punkt 6: Pilersaarutitut qinnuteqaatip Nuussuarmi inissiat uiguleriiaat inaarutaasumik akuersissutigineqarnerat

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Pilersaarutitut qinnuteqaat Nuussuarmi uiguleriiaat

Pilersaarummik piginnittup pisinnaasai


Aningaasaqarneq pillugu nassuiaat

Naliliinissamut immersuiffissaq

Pilersaarutitut qinnuteqaatinik ingerlatsineq

Pilersaarutitut qinnuteqaatinik misissuineri najoqqutassaq

Inatsisartut inatsisaat nr. 34, 9. december 2015-imeersoq



Pilersaarutitut qinnuteqaatip Nuussuarmi inissiat uiguleriaat inaarutaasumik akuersissutigineqarnerat

Aalajangiiffigisassaq

SagsID.: EMN-2023-02913

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- pilersaarummik qinnuteqaatip Nuussuarmi inissiat uiguleriaat akuersissuteqarfiginissaa ingerlatsivimmit sillimaffigineqarluni
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuersissassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit Nuussuarmi uiguleriaani pilersaarummik piginnittut Clement og Carlsen Arkitekter m.a.a. Aps. suleqatigisaallu Rambøll A/S sinnerlugit matumuuna saqqummiunneqarpoq.

Kommunimut pilersaarummum tapiliussa siunnersuutitut sapaatip-akunnerini arfineq-pingasuni tamanut, piffissami 11. oktobari - 06. decembari 2023-mi, tusarniaassutigineqarpoq. Piffissami tusarniaaffiusumi tusarniaanermut akissuteqaat ataaseq tiguneqarpoq, taannalu oqaaseqatigiinnik annikitsunik marlunnik allannguuteqartitsinermik kinguneqarpoq. Allannguutit ingerlatsiviup piumasagaataanik erseqqissaassutinik ilassutinillu kiisalu suliniummik qinnuteqaammum sillimaffigisassamik imaqarput, taakkulu ataani allaaserineqarput.

Pilersaarummik qinnuteqaammum siunnersuutigineqarpoq, sanaartukkat inissiat 11-t uiguleriinni marlunni avillugit nunaminertami katillugu 1217,7 m² inissisimasussat. Tassunga ilaallutik biilnik inissivissat inissiallu tungaannut aqqusineeqqat. Pilersaarutitut siunnersuummi immikkoortup ilaani 2D3-mi Nuussuup Mannguani ullumikkut sanaartorfineqanngitsumi sukumiisumik aalajangersaaffigineqanngitsumi inissisimaffik pineqarpoq.

Ingerlatsivimmit pilersaarutitut siunnersuummik naliliineq

Illoqarfiup pingaarnertut pilersaarusiorneqarnera

Pilersaarum kommunip immikkoortumut tassunga periusissiaanut naapertuulluarpoq. Pilersaarutitut siunnersuummi siunnersuutigineqarpoq, 3A9-1 Nuussuup Mannguani siunissami inissiaqarfiliassamut pissusissamisoorumik uiggiunneqassasoq. Oqaatigisariaqarpoq, pilersaarutitut siunnersuut Nuussuup Mannguani qorsooqqinnersap ilaanik sukisaarsaarfissatullu naatsorsuussami inissisimassammat. Siunnersuummili tamanna eqqumaffigalugu sanaartukkat mianersortumik Nuussuup aqusernga sinnerlugu inissinneqassapput, taamaalilluni qorsooqqinnersap kujammum kangimut aamma kimmum avannamum sammisortaa sanaartorfissanagu.

Illuliortaatsimut taaguutit pingaarnerit

Uiguleriiaat marluk tallimanik aamma arfinilinnik inissiertallit sumiiffimmi pioreersunut naleqqussagaapput. Pilersaarutitut siunnersuummi Nuussuarmi aqqusineq sinerlugu kimmut avannamut sammisunik aamma Nuussuup Mannguanut Sermitsiallu tungaanut isikkivilinnik sanaartorneq pineqarpoq. Inissiat tamarmik qaliaqarput, katillugit: 110,7 m²-iullutik, ilaqutariinnullu meerartalinnut naatsorsuussaanerullutik.

Inunnut sukisaarsarfinnullu tunngasut

Sanaartukkat Nuussuup Mannguata killingani Nuummiunut sukisaarsaafiulluartartumi inissisimassapput. Sanaartukkat qoorortap tungaanut ingerlasumik Nuussuup aqqusernganiit aqqutilerneqassapput, tamannalu sumiiffimmi najugaqartunit/illoqarfimmiunit sukisaarsaarfittut aqquataalluartaqpoq.

Pinngortitap assigiinngiiaartuunera aamma silap pissusaanut naleqqussaaneq

Pilersaarummi illut akornanni nuna naasullu pioreersut allangortinnginnissaat anguniarneqassaaq.

Inerniliineq

Ingerlatsivimmit nalilerneqarpoq, pilersaarutitut siunnersuut sumiiffimmi inissiaqarfimmut pioreersumut pilersaarutaasumullu naleqqussagaasoq inissiaqassutsimullu iluaqutaassasoq. Pilersaarutit inissisimaffia nunatamik innarliissanngilaq peqatigitilluguttaaq Nuussuup Mannguanu qorsooqqinnersamut kalluaassanani.

Ingerlatsivimmi pilersaarutitut siunnersuummut piumasaqaat apeqqutaatinneqartullu

Pilersaarut akuersissutigineqassappat Ingerlatsivik pilersaarummut pingaarutilinnik oqaaseqaatissaqarpoq, imatut:

- Kommunit pilersaarummut tapiliussassami aputaajaasarnerit, sialummit apummillu aattumik suliaqarnissamut piumasaqaateqartoqassaaq
- Kommunit pilersaarummut tapiliussassami, sumiiffimmi innuttaasunut sukisaarsartarfiit aqqusineeqqallu Nuussuup aqqutaanit Nuussuup Mannguanut aqqutit pitsanngorsarneqarnerat ilanngunneqassapput
- Kommunit pilersaarummut tapiliussassami biilnut uninngatitsivinnut aamma qamuteralaat aqqutissaannut tunngasut siunertamut naapertuuttumik piumasaqaatitalimmik ilusilerneqassapput

Pilersaarutitut siunnersuut sapaatip-akunnerini arfineq-pingasuni tamanut tusarniaassutigineqassaaq. Piffissami tusarniaaffiusumi kinaluunniit tusarniaanermut akissuteqarlunilu allatut pilersaarutinik nassiussaqaarsinnaavoq. Piffissami tusarniaaffiusumi kommune tamanut paasisitsiniaanermik aaqquissuussissaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmit erseqqissaatigineqarpoq, pilersaarummik piginnittup kommunimut pilersaarummut tapiliussap suliarinissaanut aammalu ilaatigut VVM-imik misissuineq kiisalu atortunut, sanaartorfissagissaanermut sanaartormilu aningaasartuutissat tamaasa nammineq akilissagai.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaartillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunit pilersaarut digitaliusoq www.kp.sermersooq.gl

Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Pilersaarutitut qinnuteqaat Nuussuarmi uiguleriaat
4. Pilersaarummik piginnittup pisinnaasai
5. Aningaasaqarneq pillugu nassuiaat
6. Naliliinissamut immersuiffissaq
7. Pilersaarutitut qinnuteqaatinik ingerlatsineq
8. Pilersaarutitut qinnuteqaatinik misissuineri najoqqutassaq
9. Inatsisartut inatsisaat nr. 34, 9. december 2015-imeersoq

Punkt 7: Suliap pilersaarusionerqarnissaanut qinnuteqaatip Villat – Niels Hammekenip Aqqutaa inaarutaasumik akuersissutigineqarnera

Beslutning

Immikkoortoq 7 kinguartinneqarpoq

Bilag

Tusarniaanermut akissuteqaatinik tiguneqartunik suliarinninneq

Tusarniaanermi akissutit tiguneqartut

Pilersaarummut qinnuteqaat Villat - Niels Hammekenip Aqqutaa

Pilersaarummik piginnittup piginnaasai

Naliliinissamut immersuiffissaq

Pilersaarutitut qinnuteqaatinik ingerlatsineq

Pilersaarutitut qinnuteqaatinik misissuinermi najoqqutassaq

Inatsisartut inatsisaat nr. 34, 9. december 2015-imeersoq



Suliap pilersaarusiorneqarnissaanut qinnuteqaatip Villat – Niels Hammekenip Aqputaa inaarutaasumik akuersissutigineqarnera

Aalajangiiffigisassaq

SagsID.: EMN-2023-00695

Sanarfinermut Avatangiisinullu Ingerlatsivik – pisortaqaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- Niels Hammekenip Aqputaani Villat pillugit pilersaarutit qinnuteqaatigineqartoq akuerineqassasoq ingerlatsiviup sillimaffigeqqusai ilanngullugit
- suliqaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup pilersaarummik piginnittoq EMJ-Atcon Greenland A/S sinnerlugu pilersaarummumut qinnuteqaat "Villat - Niels Hammekenip Aqputaa" matumuuna saqqummiuppa.

Niels Hammekenip Aqputaani Villat sapaatip akunnerini 14-ini, piffissami 31. maajimiit 8. septembari 2023, tamanut tusarniaassutigineqarput. Piffissami tusarniaaffiusumi akissutit 13-it tiguneqarput aamma inuit katillutik 55-it atsiorderinik katersisoqarpoq, taakkunannga arfineq-pingasut immikkut tusarniaanermut akissuteqarput taakkunannga sisamat Nuummi najugaqartuunatik. Tassunga allatut pilersaarummik takkuttoqarpoq, taannali suliarineqarsinnaangilaq piumasarineqartunik, allassimasunik, naammassinninngimmat, titartagartai ilanngullugit. Tusarniaanermi akissutigineqartut allallu pissutigalugit ingerlatsivik annertunerusumik innersuussaqaarusuppoq pilersaarutit akuerineqarnissaanut atatillugu.

Tusarniaanerup nalaani Hotel Hans Egede-mi paasisstissiilluni ataatsimiititsisoqarpoq, tassunga innuttaasut 30-t missaanniittut takkupput. Pilersaarut pillugu sakkortuumik isornartorsiuisoqarpoq, aamma ingerlatsiviup ataatsimiinnermik aaqquissuussaa pillugu, isumaqartoqarmat pilersaarut akuerineqareersimasoq (ilanngussaq 1 takuuk, isornartorsiuutit suliaqarneq). Isornartorsiuinerup taassuma kingunerivaa, ingerlatsivik pilersaarutissatut qinnuteqaatinut atatillugu paasisstissiilluni ataatsimiitittarunnaarniarneranik, naak tamanna ingerlatsiviup pitsaaneruserusumik peqataatitsinermik suliaqarneranut attuumassuteqaraluartoq.

Tusarniaanermut akissutigineqartut immikkoortumi najugalinneersuunerupput. Qulequttanut ukununga immikkoortiterneqarput:

- Sukisaarsarfittut pingaartinneqartut, uumasut innuttaasullu atuinerat ilanngullugit
- Aqqusineqarnermut tunngasut, pingaartumik sanaartornerup nalaani
- Nuup alliartuinnarneranik eqiterutitsinerlu pillugit nalinginnaasumik ernumassuteqarneq
- Ingerlatsiviup pilersaarutit qinnuteqaammik suliaqarneranik isornartorsiuineq

Ingerlatsivimmit suliniummik piginnittoq Pinngortitaleriffillu oqaloqatigineqarput immikkoortut siulliit pillugit. Siulleq pinngortitap assigiinngisitaanera pillugu immikkoortup ataani itisilerneqarpoq.

Immikkoortoq 2-mut tunngatillugu pilersaarummik piginnittoq Nuukullammiit immikkoortup tungaanut sulinermut atatillugu aqqusinniorniartpoq. Taamaalilluni Niels Hammekenip Aqqutaani qamutit motorillit oqimaatsut ingerlasassanngillat. Tamatumali kingunerissavaa Nuukullaap kujataata tungaani akunnittarfissap sanaartornissaata kinguartinneqarnissaa, soorlu Nuummi akunnittarfiit inissisimaffissai pillugit suliami taaneqartutut (politikkikkut 2023-p naalernerani suliarineqartoq).

Sanaartugassatut pilersaarut

Pilersaarummut qinnuteqaammi siunnersuutigineqarpoq najugaqarfimmi aqqusinioreersumi Niels Hammekenip Aqqutaanit kujammut ilanissaa siunnersuutigineqarpoq, taanna katillugit 1920 m² inissiaqarfissaq ilaqutariinnut ataatsinut illunut qulinut agguataarneqassasoq. Taakku saniatigut pinnguartarfik anginngitsaq, biilnut inissiivik kiisalu sinerik atuarlugu aqut pilersinneqassapput. Pilersaarutit siunnersuut immikkoortumi 1D3, Nuup Kujammut sineriaa aamma Saqqarlerni inissisimavoq, immikkoortoq ullumikkut sanaartorfiusussaannngitsutut inissisimavoq sukumiisumik aalajangersaaffigineqanngitsaq.

Ingerlatsivimmit pilersaarutit siunnersuummik naliliineq

Illoqarfiup pingaarnertut pilersaarusiorneqarnera

Pilersaarut kommunip immikkoortumut tassunga periusissiaanut naapertuulluarpoq. Inissiat pillugit pilersaarut 2021-mi Ingerlatsiviup siusinnerusukkut Niels Hammekenip Aqqutaa ilaqutariinnut ataatsinut illuliorfissatut alliliivigineqarsinnaasutut taavaa. Taamaattoq oqaatigineqassaaq pilersaarut quassukkap qaaniimmat sineriammi nuannarineqartumiilluni, pilersaarullu piviusunngussappat tamatuma isikkua allanngussaaq.

Tikikkuminarsissaaq sineriammi pisuinnarnut aqquserniortoqarpat sumiiffimmilu amerlanernit sukisaarsarfiusinnaanera pitsaanerulissalluni. Aamma illoqarfik atanilerneqassaaq, taamaalilluni Sanap ataani kangerliumanermiit Nuukullammut pisuinnarnut aqquteqalissaaq. Pilersaarut pillugu ingerlatsiviup oqaatigivaa tamanna illuatungaatigut sukisaarsarfittut naleqarneranik ajornerulersitsissasoq, immikkoortoq annertunerusumik sanaartorfiusammatt sineriallu atuarlugu aqut tikinneqaaqusaanngitsutut misinnarsilluni. Taamaattumik tamanut aqqusineeraq atassusiisoq pilersaarutit ataatsimut nalilerneqarnissaanut pingaaruteqarpoq.

Illulioraatsimut taaguutit pingaarnertit

Niels Hammekenip Aqqutaanit kujammut talliliiffissaatut siunnersuutigineqartoq quassukkap qaani sanguneqarpoq. Aqquserneq illugiissillugu ilaqutariinnut ataatsinut illut qulit inissinneqassapput. Illut tamarmik kujammut kimmum sammiveqarput illut pioreersut tamaaniittut assigalugit, avissaanganerulaassallutilli, tassa qaqqamut naleqqussagaallutik inissinneqassammata. Illulioraatsit assigiinngitsut pingasut atornerarput, nunataa assigiinngitsut atorluarlugu. Taakku 165 m², 190 m² aamma 235 m²-inik annertussuseqarput. Ingerlatsivimmit nalilerneqarpoq inissiat nunamut tassaniittumut tulluurtuusut eqqaanilu illuliat angissusaannut naapertuullutik. Peqatigitillugu pilersaarutit siunnersuutit Niels Hammekenip Aqqutaaniit immap tungaanut isikkivoreersoq sapinngisamik sunnerneqannginnissaa anguniarpaa.

Inunnut sukisaarsarfinnullu tunngasut

Pilersaarusiornimmi pinnguartarfiortoqassaaq tamaani najugalinnut ataatsimoortitsisumik. Taakku saniatigut sinerik atuarlugu pisuinnarnut aqquserniorneqassaaq sukisaarsarfinnik attaviliisumik Nuummilu innuttaasunut amerlanernut naleqalersitsisumik.

Pinngortitap assigiinngiiaartuunera aamma silap pissusaanut naleqqussaaneq

Pilersaarummi illut akornanni nuna naasullu pioreersut attatiinnarnissaat anguniarneqassaaq. Taamaattorli biilit unittarfiinut aqqusinermullu nunniortoqassaaq.

Tusarniaanerup nalaani immikkoortumi timmiaqarluarnera pillugu saqqummiussisoqarpoq. Tamanna pillugu ingerlatsiviup Pinngortitaleriffik isumasiorpaa, taannalu itisiliivoq immikkoortoq nattoralinnit miternillu mitsimmavigineqartarnera pillugu. Nattoralit kujataatungaata sinneraniit tamaani takussaanerulersimapput, tamanna Sanap ataani kangerliumarnaniit kimmullu angallaffiunnginnerummat. Nattoralit sanaartortoqalerpat angallattoqalerpallu immikkoortunut allanut nuussapput. Meqqit sanaartornerup nalaani tammassasut ilimanarluinnarpoq, naatsorsuutigineqarporli uteqqinnissaat.

Inerniliineq

Ingerlatsivimmit nalilernerqarpoq pilersaarutitut siunnersuut illussanik titartaanermik pitsaasumik tunniussaqaassasoq, illoqarfiup immikkoortuanut najugaqartunullu nuannaarutaasussanik. Naak pilersaarummi quassugaq sukisaarsarfigissallugu ornigineqarluartoq ilanngunneqaraluartoq, sineriak atuarlugu aqqu tip ingerlateqqinneratigut illoqarfiup ilaa ataqatigiinnerusoq anguneqassaaq, sukisaarsarfittut imaq sinerlugu sammisassat tikikkuminarnerulerlutik. Pilersaarut akuersissutigineqassappat Ingerlatsivik pingaarutilinnik ilanngunneqartariaqartunik tulliuuttumi imaattumik oqaaseqaatissaqarpoq:

- Sineriak atuarlugu aqqu sananeqassaaq aamma pilersaarummik piginnittumit akilernerqarnissaa piumasaqaataassaaq
- Niels Hammekenip Aqqu taata aamma sineriak atuarlugu aqqu tip akornatigut atassusiisoqassaaq, pinnguartarfik aqqu saarsinnaavaa, taamaalilluni aamma sineriak atuarlugu aqqu miit tikinneqarsinnaalissaaq, aqqu sinnerminngaanniiginnarani
- Kommunit pilersaarummut tapiliussassami aputaajaasarneq, sialummit apummillu aattumit imeq isumagineqarnissaannut piumasaqaateqartoqassaaq
- Pilersaarummik piginnittup sanaartornerup ingerlanerani motorilinnik angallassissutit angalanerat aamma nipiliorneq annikillissittassavaa piffissami nal. 15.00-ip aamma 08.00-ip akornanni
- Pilersaarummik piginnittup pisussaaffigivaa sanaartornermi aqqu Nuukullammeersoq, angallannermut aamma Niels Hammekenip Aqqu taani najugalinnut oqilisaassisussaaq, pilersissallugu
- Pilersaarummik piginnittup pisussaaffigivaa immikkoortumi kuuffissuit pitsanngorsarneqarnissaat pillugu kommunimik suleqateqassalluni, inissianut allanut attaviliisoqarsinnaalersillugu

Ingerlatsivimmit aningaasatigut sulisoqarnikkullu naliliinerit

Ingerlatsivimmit oqaatigineqarpoq pilersaarummik piginnittup kommunimut pilersaarummut tapiliussassamat, VVM-imik misissuinermut, illuliornermut, sanaartorfissagissaanermut sanaartornermullu atatillugu aningaasartuutit akilissagai.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaaq allakkallu tunngaviummik uppersaatiillit

- o Pilersaarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- o Inatsisartut inatsisaa nr. 34, 9. december 2015-imeersoq
- o Kommunit pilersaarut digitaliusoq www.kp.sermersooq.gl

Ilanngussat

1. Tusarniaanermut akissuteqaatinik tiguneqartunik suliarinninneq
2. Tusarniaanermi akissutit tiguneqartut
3. Pilersaarummut qinnuteqaat Villat - Niels Hammekenip Aqqu ta
4. Pilersaarummik piginnittup piginnaasai



5. Naliliinissamut immersuiffissaq
6. Pilersaarutitut qinnuteqaatinik ingerlatsineq
7. Pilersaarutitut qinnuteqaatinik misissuinermi najoqqutassaq
8. Inatsisartut inatsisaat nr. 34, 9. december 2015-imeersoq

Punkt 8: Kommunimut pilersaarummut tapiliussassatut 3C9-1, Inuussutissarsiuteqarfik mittarfiup qanittuaniittoq, Nuuk, inaarutaasumik akuersissutigineqassasoq

Beslutning

Inassuteqaat akuersissutigineqarpoq.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Kommunimut pilersaarummut tapiliussa, 3C9-1, inuussutissarsiuteqarfik mittarfiup qanittuaniittoq, Nuuk



KOMMUNIMUT PILERSAARUMMUT TAPILIUSSAQ



SIUNNERSUUTIP
TUSARNIUTIGINEQARNERA

1. IISA
2. AIA

AKUERSISSUTIGINNINEQ

1. IISA
2. AIA
3. KB



Kommunimut pilersaarummut tapiliussassatut 3C9-1, Inuussutissarsiuteqarfik mittarfiup qanittuaniittoq, Nuuk-mik inaarutaasumik akuersissuteqarnissamik inassuteqaat

Aalajangiiffigisassaq

SagsID.: EMN-2023-02420

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut Sanaartornermullu Ataatsimiititamut inassuteqaatigineqarpoq:

- Kommunimut pilersaarummut tapiliussassatut siunnersuut 3C9-1, Inuussutissarsiuteqarfik mittarfiup qanittuaniittoq, Nuuk, akuersissutigineqassasoq
- suliaq aningaasaqarnermut Inuussutissarsiortnermullu ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3C9-1 Inuussutissarsiuteqarfik mittarfiup eqqaaniittoq, Nuuk, matumuuna saqqummiunneqarpoq. Kommunimut pilersaarummut tapiliussaq 3C9-1, Inuussutissarsiuteqarfik, mittarfiup eqqaaniittoq, siunnersuutitit sapaatip-akunnerini arfineq-pingasuni, piffissami 04. oktobarimit – 29. novembari 2023-mut tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit arfinillit tiguneqarput, taakkulu oqaaseqatigiinnik arfineq marlunnik allannguuteqartitsinermik kinguneqarput. Tusarniaanermittaaq piffissap ingerlanerani annikitsunik oqaasertaatigut taamaallaat aaqqiissuteqartitsivoq.

Mittarfissuartaassamut atatillugu pilersaarummut tapiliussaq una immikkoortup ilaa nutaaq 3C9 pilersinneqarpoq. Immikkoortup ilaa qaqqap Quassussuup (Lille Malene) paavaniippoq. Immikkoortoq avannamut killeqartinneqarpoq ukunannga 3E5 mittarfiup eqqaaniittumit aamma 4D2 Sisorartarfiup eqqaaniittumit, kujataatungaani Borgmester Anniitap Aqquserna, kangiatungaani qaqqap 4D11 qaqqap qaavata qingartaraanit, taavalu kitaatungaani 3E5-mut mittarfiup eqqaanut.

Kommunimut pilersaarummut tapiliussaq suliarineqarpoq Nuummi mittarfiup qanittuaniittoq immikkoortup ineriartortinneqarnissaa qulakkeerniarlugu. Kommunimut pilersaarummut tapiliussamut ilanngullugu immikkoortup ilaa 3C9 atugassiissutigineqarpoq inuussutissarsiuteqarfimmut mittarfeqarfimmu attuumassuteqartunut qitiusoqarfittut siunertanut atorsinnaasoq, tamakkununga ilanngullugit: allaffiit, lagerit aammalu quersuit, angallassissutit attaveqaasersuutillu, ilioraaffiit, amerlasuunik pisiniarfiit, biilinik cykkilinillu atukkiussisarfiit, taxanut bussinillu inaaliisarfiit, nerisassanik pajuttuisarfiit, takornarialerisut/angalatitsiviit, akunnittarfiit, neriniartarfiit, café, ataatsimeersuartarfiit assigisaallu.

Kommunimut pilersaarummut tapiliussami matumani sanaartorfissat atugassiisutigineqarput immikkut atuuffeqartussat tamakkununga ilanngullugit: mittarfiup eqqaani biilit uninngasarfiinut, mittarfimmik suliarinnittussamik piginnittup allaffeqarfissaanut aammalu mittarfiup akunnittarfissaanut. Tamatuma saniatigut periarfissaassaaq Illerngit 2001-ip aamma mittarfiup biilinut uninngasarfiata mittarfiullu illutaata akornanni pisummik ikaarfissamik sanasoqarnissaa.

Kommunimut pilersaarummut tapiliussatut siunnersuutip matuma 3C9-1 Inuusutissarsiuteqarfik mittarfiup qanittuaniittoq akuersissutigineratigut taarserneqassaaq kommunimut pilersaarummut tapiliussami 3E5-5-imi aalajangersakkat 3C9-1-imi immikkoortup ilaani killilersuutinut tunngasortaanut ilanngunneqartut.

Paasissutissat tunngavigalugit iliuuseqarneq

Tusarniaanermi piffissap ingerlanerani sumiiffiup aqqusinilersugaanerata allangortinnissaanut pissutissaqalersitsivoq, siunissami sumiiffik tamaat akimorlugu aqquserngit atanilersugaanissaat pilersikkumallugu. Taamaalillunilu sanaartorfissat ilusaasa allangortinneqarnissaannik pissutissaqalersitsivoq, sanaartorfissaq F marlunnut avinneqarluni; F1 aamma F2. Taamalu F1 Kalaallit Nunaata silaannartaa pillugu immikkut allaffissornermi atorneqartussanngorlugu.

Erseqqissaassutigineqarpoq ikaarfissiaq Illerngit 2001 napillugu siunnersuutigineqartutuut aalajangersakkat. Ikaarfissiap inissinneqarneranut aalajangersakkat maanna §21 imm 3.13 malillugu aalajangersarneqarput. Akuersissutigineqarnissaanut aalajangersakkat aamma ilusilersugaanera inissisimaffissaalu §21 imm 3.15 malillugit pissapput.

Tusarniaanermi piffissap ingerlanerannittaag kommunimut pilersaarummut tapiliussami allannguuteqartitsinissamut pissutissaqalersitsivoq.

Sanaartorfissat atorneqarnerisa minnerpaaffianiitinnissaat, nunaminertanik sukumiisumik atuinissaq qularnaarumallugu, Ingerlatsivimmit ilisaritinneqarpoq. Assinganik sanaartorfik A-mi mittarfiup akunnittarfiata siunertamut naapertuuttumik angissuseqarnissaa qulakkeerniarlugu quleriaat qummut meterinik minnerpaaffilerneqassapput. tak. aalajangersakkanut immikkoortumi §21 imm 1.3

Pilersaarutaasutut aqquserngup ingerlarnata allangortinneqarneranut atatillugu sanaartorfissat sisamaasut G-J qaartiterisoqareerat portussusissaa ilisaritinneqassaaq. Ilisaritinnera pissaaq sanaartorfissat F1 aamma F2 akunnerata kote 93 aamma Sisorarfiit klubhusiata tungaanut, kote 104-miittumut qaffakkiartuaarnera qulakkeerumallugu. Aalajangersakkani immikkoortumi §21 imm. 1.6 takuuk.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunitum pilersaarummut tapiliusseq, 3C9-1, inuussutissarsiuqarfik mittarfiup qanittuaniittoq, Nuuk

Punkt 9: Sermersuumi angallannermut politikkimut siunnersuut

Beslutning

Inassuteqaat akuersissutigineqarpoq.

Bilag

Sermersuumi angallannermut politikki

2023-mi angallannermik nalunaarsuinerit

2021-mi angallannermik nalunaarsuinerit



Sermersuumi angallannermut politikkimut siunnersuut

Aalajangiiffigisassaq

SagsID.: EMN-2023-04330

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Sermersuumi angallannermut politikki akuerineqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Nuummut angallannermi politikki Kommuneqarfik Sermersuup siunissami angallannermut pilersarusiornissaanut atugassatut siunertaavoq, taannalu pingasunik qitiutinneqartunik immikkoortuligaassaaq:

1. Angallaffigiuminassuseq
2. Isumannaassuseq
3. Illoqarfimmi inissaqarluassuseq

Ataatsimoortillugit Sermersuumi periusissaliornermi aamma aqqusinikkut angallannermi attaveqaasersuutiliornermi suliniutinut iliuusissanullu pilersarusiornermi tunngaviussapput. Suliniutit amerlasuut immikkoortut pingasuusut tamakkerlugit attuumassuteqarfigissavaat, pingaarnerusumilli ingerlatsivimmi aqqusinikkut angallannermut tunngasunik suliaqarnermi qulequttat taakku aallaavigalugit aaqqiissuussineq ingerlanneqassaaq. Aqqusinikkut angallanneq pillugu oqallittarfik pilersinneqariapat pissutsit atuuttut pitsaanerulersinniarlugit sukumiisumik aaqqiissutissarsiortoqassaaq.

Innuttaasut pingaartumik Nuummi amerliartorneranni illoqarfimmullu nutsernerulerneranni kommunimi ullumikkut siunissamilu pisariaqartitat naapertuuttut angallannermut aaqqiissutit pitsaasut atuutsilernissaat aalajangiisuulluinnartuussapput. Aammali kommunimi inoqarfinni allani aqqusinikkut angallannermi ajornartorsiuteqartoqarpoq, taamaattumik qitiutinneqartut pingasut aamma sumiiffinni taakkunani sukumiisumik aaqqiissutissarsiornermi aallaavigineqassapput.

Qitiutitat pingasuusut ima paasisariaqarput:

Inoqarfik pitsaasuussappat aqquusernit angallaffiulluarsinnaasut piginissaat aalajangiisuussaaq. Angallannerup sukkanerusumik pitsaasumillu pinissaa qulakkeerniarlugu angallattut unittoortarnerat annikillisinnaavarput, angallannermi piffissat atorneqartut pitsanngorsarsinnaavagut innuttaasunullu tamanut angallavigiuminarsaalluta. Tamanna ulluinnarni ingerlaartarnermut oqilisaataaginnarnaviannngilaq aningaasaqarnikkulli siuariartorneq piujuartitsisumillu ineriartornermut siuarsaataassaaq.

Angallannermi politikkimi isumannaallisaaneq pingaartinneqarnerpaajuvoq. Iliuusissanik atuutilersitsinikkut ilaatigut ajutoorutaasinnaasunik annikillisaanikkut aamma pisuinnaat biilertullu pillugit toqqissisimanartuutitsinikkut angallanneq isumannaatsoq toqqissisimanartorlu pilersissinnaavarput. Matumani ilaatinneqarput aqqusinerni allagartat, qullilersuineq, pisuinnaat ikaarfissaat, aqquseeqqat aamma ukiukkut aputaajaasarneq kiisalu angallannermik ilinniartitsinerup, sukkassutsinut killigititat angallannernullu malittarisassat malinneqarnissaannik eqqumaffiginninnerit.



Inoqarfimmik uummaarissumik pilerinartumillu pilersitsiniarutta illoqarfimmi inissaqarluarnissaa aalajangiisuusaaq. Illoqarfimmi inissaqarluassuseq biilnik inissiivissanuinaq kisimi atorneqannginnissaa aammali sammisassaqaqtitsinermut atorneqarsinnaanera qulakkeerniarlugu aqqusinikkut angallannerup pilersaarusioneqarnissaa pingaartuuvog. Inuit toqqissisimanissaannut sumiiffinnilu atuerusunnerulernissaat pillugu illoqarfimmi inissaqarluassuseq qulakkeerneqassaaq, pisuinnarnut aqqutissanik, sukisaarsaarfissanut aqqutissanik aamma kikkunnilluunniit ornigarneqarsinnaasunik naapiffiusinnaasunillu periarfissaqarluartitsinerulissaagut. Tamanna innuttaasut inuunerannut pitsanngorsaataassaaq avataaniillumi tikeraartutsinnut misigisaqarfiulluassalluni.

Angallannermut politikkip matumani akuersissutigineqarneratigut qitiutinneqartut pingasut aallaavigalugit suliniutit assigiinngitsut ingerlatsivimmi aallartinneqassapput. Tamatuma missingersuusionermut ilaalu ilanngullugit atatillugu iliuousissatut pilersaarusiunneqarnissaa naatsorsuutigineqarpoq, piareersarnissaq ineriartortitsinermilu suliniuteqarnissaq sallinneqassallutik. Oqartussat, soqutigisaqaqatigiit innuttaasullu akornanni suleqatigalugit ullumikkut siunissamilu pisariaqartitanik naammassinnittumik angallannermut ilusissamik attanneqarsinnaasumik nutaaliaasumillu ingerlatsivimmiittut pilersitserusupput.

Sermersuumi angallannermut politikki Angallannermik nalunaarsuineq 2021-mik aamma Angallannermik nalunaarsuineq 2023-mik tunngaveqarput

Angallannermik nalunaarsuineq maajimi/juunimi 2023.10.25 pivoq. Angallannermik nalunaarsuineq slanginik ikaartitsilluni, aqqusaarneqaraangamik nalunaarsuisartunik ingerlanneqarpoq, kingornalu allatorneqarlutik. Taamaattumik aqqusinermi suliaqarneq assigisaalu inernerinut sunniuteqaqataapput.

Angallassissutinik pitsanngorsaaneq innuttaasullu. 2023-mi januaarip aallaqqaataaniit angallassissutit motorillit 5.030-t nalunaarsorneqarsimapput. 2021-mi nalunaarsuinermit sanilliullugu 12%-imik amerleriarfiusimalluni. Piffissami tassani Nuummi innuttaasut amerlassusii aamma 4%-imik amerleriarsimapput.

Angallannermi nikerassuseq Angallattoqarfiunerpaap nalaani tassa Eqalugalinnugit nalaani angallanneq 7%-imik annertuseriarsimavoq, illoqarfimmi angallanneq ataatsimut isigalugu agguaqatigiissinneqarnerani 8%-imik annertuseriarsimalluni. Sullorsuup aqutaasinnaanera ataasiinnaammat ikaartarfittaarneq aqqummik toqqaasarnermi malunnaateqarpallaanngilaq. Quassunnguami angallanneq 2.000-it missaaniit 3.900-nut annertuseriarfiuvoq. Tamanna aqqusinermi qanittuiniittunut annikinnerulersitsinngilaq.

Sukkassuseq Qinngutta tungaanut aqquserngup ilaani sumiiffinni arlalinni sukkavallaartoqartarpoq aamma Nuummi illoqarfiup qeqqata nalaani arriillinissamik atortulersorfiunngitsuni allagartalersuineq atorlugu arriinnerulersitsineq pivoq.

Biilnut unittarfik. Nuummi illoqarfiup qeqqani biilnut inissiisarfii kikkunnilluunniit atorneqarsinnaasut pisariaqartitsinerpaaffimmi 300-t missaaniipput. Biilnut inissiisarfip avannaatungaaniittoq Imaneq allanngutsaaliornissaa sulii periarfissaavoq, nutaanik biilnut inissiisarfiliortoqaqqinngikkaluarluni.

Ingerlatsivimmit aningaasatigut sulisoqarnikkullu naliliinerit

Pilersaarutit sukumiisut attaveqaasersuutit pillugit aningaasaliissutit iluanni matussuserneqassapput, siunissamili aamma pilersaarutitut sukumiisunut aningaasaliiffigineqarnissamik qinnuteqartoqarsinnaalissaaq.



Suliffeqarfimmut Kiffartuussivimmit aningaasatigut naliliineq Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommunimut pilersaarut digitaliusoq www.kp.sermersooq.gl
- Kalaallit Nunaanni angallannermi inatsit 2009
- Nuummi aqqusinernik pilersaarusiornernut ilitsersuut
- Paamiuni aqqusinernik pilersaarusiornernut ilitsersuut
- Tasiilami aqqusinernik pilersaarusiornernut ilitsersuut

Ilanngussat

1. Sermersuumi angallannermut politikki
2. 2023-mi angallannermik nalunaarsuinerit
3. 2021-mi angallannermik nalunaarsuinerit

Punkt 10: Upalungaarsimanermut Ataatsimiititaliarsuup suleriaasiata akuerineqarnera

Beslutning

Inassuteqaat akuersissutigineqarpoq.

Bilag

Upalungaarsimanermut Ataatsimiititaliarsuup suleriaasia

Upalungaarsimanermut Ataatsimiititaliarsuup suleriaasiata akuerineqarnera

Aalajangiiffigisassaq

SagsID.: EMN-2023-05046

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- Upalungaarsimanermut Ataatsimiititaliarsuup suleriaasia akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuineri iliuusissat pillugit Inatsisartut inatsisaanni nr. 14-imi, 26. maj 2010-meersumi §5 naapertorlugu Kommuneqarfik Sermersooq Upalungaarsimanermut Ataatsimiititaliarsuarmik pilersitsivoq. Upalungaarsimanermut Ataatsimiititaliarsuup qulakkeerlugu suliassarivaa, upalungaarsimasut suliassaqarfimmu inatsit atuuttoq malillugu ingerlanissaa kiisalu qulakkiissallugu upalungaarsimasut tamatumani atugassaritineqartut pisariaqartut piginissaasa qulakkeerneqarnissaat.

Upalungaarsimanermut Ataatsimiititaliarsuaq manna tikillugu suleriaaseqarani ingerlanikuuvoq. Ataatsimiititaliarsuup sulinerani pitsaanagerusunik sinaakkutissaqartitsiniarluni nutarteriniarlunilu, Ingerlatsiviup nalilerpaa, piffissanngortoq ataatsimiititaliarsuarmut atugassarititaasut taassumalu siunissami sulinissaa malittarisassiorneqassasut. Suleriaatsimi allaaserineqarput ataatsimiititaliarsuarmi ilaasortat katitigaanerat, ataatsimiiffissat ullulorsorlugillu piffissalersornerat, oqaluuserisassat, Upalungaarsimanermut ataatsimiititaliarsuup ataatsimiinnerinik ingerlatsineq aammalu Upalungaarsimanermut ataatsimiititaliarsuup aalajangiisinnatitaanera.

Upalungaarsimanermut Ataatsimiititaliarsuaq ikinnerpaamik arfinilinnik ilaasortaqqarpoq, taakkunannga sisamat Kommunalbestyrelsimut toqqagaallutik. Ilaasortanit taakkunannga sisamaasunit pingasut Kommunalbestyrelsimi ilaasortaassapput taavalu ilaasortat sisamaat Sanarfinermut Avatangiisinullu Ingerlatsivimmi atorfeqassalluni. Tamatuma saniatigut ataatsimiititaliarsuarmi kommunip upalungaarsimanissamut pisortaatitaa ilaasortaassaaq aammalu ilaasortaq ataaseq Kalaallit Nunaanni Politimesterimit toqqarneqassaaq. Ulloq 19. januaari 2024 Upalungaarsimanermut Ataatsimiititaliarsuup ataatsimiinnerani suleriaasissaq akuersissutigineqarpoq.

Ingerlatsivimmit aningaasatigut sulisoqarnikkullu naliliinerit

Pingaaruteqanngilaq.

Suliffeqarfimmu Kiffartuussivimmit aningaasatigut naliliineq

Pingaaruteqanngilaq.

Inatsisitigut tunngavissaq allakkallu tunngaviusumik uppernarsaatillit

- o Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuineri iliuusissat pillugit Inatsisartut inatsisaat nr. 14, 26. maj 2010-meersooq



Ilangussat

1. Upalungaarsimanermut Ataatsimiititaliarsuup suleriaasia

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15:11.